




কল্লোল পত্রিকার সংক্ষিপ্ত পরিচিতি

সমকালীন তরুণ ও প্রতিবাদী লেখকদের আত্মপ্রকাশের প্রয়োজনে এই পত্রিকা বের হয়। সম্পাদক ছিলেন গোকুলচন্দ্র নাগ ও দীনেশরঞ্জন দাশ। কল্লোল পত্রিকাকে কেন্দ্র করে নবীন লেখকদের একটি গোষ্ঠী গড়ে উঠেছিল। বিষয় ও ভাষায় রবীন্দ্র উত্তরাধিকার থেকে সরে এসে এঁরা ভিন্ন পথের সন্ধান করেছিলেন। অন্ত্যজ শ্রেণীর জীবনযাত্রাকে এঁরা বাংলাসাহিত্যে ফোটাতে চাইলেন এবং তথাকথিত ক্লীলতা অক্লীলতার প্রশ্নে পুরনো মূল্যবোধকে অস্বীকার করলেন, প্রতিষ্ঠান বিরোধিতা ছিল এঁদের মূলমন্ত্র। সেই কারণে এঁদের অনেক শত্রু ছিল এবং প্রচলিত পত্রিকাগুলিতে এঁরা অনেকেই ছিলেন অপাংক্তেয়। অথচ অনেকেরই প্রতিভা ছিল এবং পরবর্তী বাংলা সাহিত্যে নিজ কাজের দ্বারা তাঁরা প্রতিষ্ঠাও অর্জন করেছেন। কল্লোলের সবচেয়ে বড় গুরুত্ব এইখানে যে সে সমকালের প্রতিবাদী কণ্ঠগুলিকে রক্ষা করেছিল, লালন করেছিল এবং ভাবীকালের দরবারে পৌঁছে দিয়েছিল।

কল্লোলের প্রধান লেখকদের মধ্যে ছিলেন অচিন্ত্যকুমার সেনগুপ্ত, প্রেমেন্দ্র মিত্র, শৈলজানন্দ মুখোপাধ্যায়, নৃপেন্দ্রকৃষ্ণ চট্টোপাধ্যায়, বুদ্ধদেব বসু, মনীশ ঘটক (যুবনাথ), গোকুল নাগ, দীনেশরঞ্জন দাশ পভৃতি। কিন্তু যাঁরা সেভাবে কল্লোলের গোষ্ঠীভুক্ত ছিলেন না, যেমন তারাশঙ্কর বন্দ্যোপাধ্যায় বা জীবনানন্দ দাশ, বা সেকালের অন্যান্য লেখকেরা তাঁদেরও উদার অভ্যর্থনা ছিল এখানে।

রবীন্দ্রনাথ সম্বন্ধে শরৎচন্দ্র

সেদিন দুপুরবেলায় হাতে বিশেষ কোনো কাজ ছিল না।—‘গৃহদাহ’-এর দাহ-কাণ্ডটি কিরূপে সমাধা হইয়াছিল তাহার ইতিহাসটি আবার একটু খালাইয়া লইতেছিলাম। তখন অচলা, সুরেশ ও মহিম জব্বরপুরের উদ্দেশ্যে হাওড়া রওয়ানা হইয়াছে। কিন্তু যিনি এই তিনটি হতভাগ্য নর-নারীকে বড়-জলের মধ্যে হাওড়া ষ্টেশনে পাঠাইয়া দিলেন তাঁহার সঙ্গে দেখা করিবার জন্তই সে দিনকার সেই কাঠ-কাটা রৌদ্রের মধ্যে আমাকেও যে হাওড়া অভিমুখেই যাইতে হইবে এ-কথা অচলাদের বিদায়ের পূর্ব মুহূর্ত্ত পর্য্যন্ত কি ভাবিতে পারিয়াছিলাম!

উত্তর-ভারতীয় প্রবাসী বাঙালীদের সাহিত্য সম্মিলন এবার কানপুরে হইবে। কানপুর হইতে জরুরী চিঠি আসিল—সম্মিলনের সভাপতি হইবার আমন্ত্রণ-পত্র পনের দিন আগে শরৎবাবুকে পাঠাইয়াছি; তাহার কোনো উত্তর না পাইয়া আমরা সকলেই বড় উদ্বিগ্ন ও বিস্ত্র হইয়া পড়িয়াছি। তুমি আমাদের হইয়া যেমন করিয়া পার হাতে পারি ধরিয়া তাঁহাকে রাজি করাইয়া অবিলম্বে টেলিগ্রাম—ইত্যাদি।

শিবপুর যাইয়া শুনিলাম, শরৎবাবু আজকাল সেখানে থাকেন না, রূপনারায়ণের ধারে তাঁর নূতন বাড়ীতে চলিয়া গিয়াছেন। অহুমানে বুঝিলাম, রবীন্দ্রনাথকে যে কারণে কলিকাতা ছাড়া করিয়া শাস্তিনিকেতনে তাড়া করিয়া লইয়া যায়, সেই কারণে এখানেও কাজ করিতেছে। কিন্তু ‘পাব্লিক’ নামক মজ্জিকাটি যখন আক্রমণ করিতে সংকল্প করে তখন চোদ্দ হাত জলের নীচে পর্য্যন্ত প্রবেশ করিতে সে সক্ষম হয়—বোলপুরের অব্যবহৃত মণ্ডির শূন্যতা এবং রূপনারায়ণের পঙ্কিল জলের গভীরতা, কিছুতেই তার পথ আটকাতে পারে না।

শরৎবাবুর বাড়ী যাইয়া যখন পৌঁছিলাম তখন বেলা সাড়ে দশটা সূইচ টিপিলেই যেমন আলো জলিয়া ওঠে, তেমনি মুহূর্ত্ত মধ্যে আতিথেয়তার সূইচ, যে কোথায় দিয়া কে কেমন করিয়া টানিয়াছিল টেরই পাইলাম না—দেখিতে দেখিতে হাত পা’ খুইবার জল ও জল-খাবার অপরিচিত অতিথির জন্ত আদিয়া উপস্থিত হইল। শরৎবাবু তখন অল্প বাড়িতে ছিলেন—কিছুক্ষণ পরে তিনি আসিলেন। কলিকাতার কোলাহল হইতে দূরে সরিয়া আসিয়া

রূপনারায়ণের ত্রীমবর্তী এই নির্জন পল্লী-প্রান্তে বাধাবিহীন সাহিত্য-সাধনার জন্ত যে কুটির নির্মাণ করিয়াছেন, সেখানে আসিয়া চড়াও করিতে সঙ্কোচ হইতেছিল। কিন্তু আসরে নামিয়া ঘোমট দিয়া কোন লাভ নাই জানিয়া যখন কারণ নিবেদন করিলাম, তখন শরৎবাবু কহিলেন, পরন্তু ত আমি জবাব দিই দিইছি। প্রথমে ভেবেছিলুম, অস্বীকার করব, কিন্তু তারপর অনেক ভেবে রাজি হয়েছি।

আমি বলিলাম, 'রাজি না হ'লে পায়ে ধরে হোক যেমন করে হোক রাজি করবার জন্তে কানপুর থেকে আমার কাছে অমরোখ-পত্র এসেছে। শরৎবাবু কহিলেন, রাজি হয়েছি কেন জান? আমি জানি, সেখানকার বাঙালী 'ইরম্যান'রা আমাকে চায়। তাদের আগ্রহকে আমি উপেক্ষা করতে পারি নে—তাদের আমি বড় ভালবাসি! বুড়োরা আমাকে দেখতে পারে না, আমাকে গালাগালি দেয় তা' আমি জানি, কিন্তু তবু আমাকে বেতে হবে।

আমি ভয়ে-ভয়ে কহিলাম, হাঁ, তার আভাস ইঙ্গিত কংগ্রেসের সময়েই কানপুরে পেয়ে এসেছি।

রূপকালপরে তিনি হাসিয়া কহিলেন, এ সব কাল্পনিক আমার একটা বিপদ হয় কি জান? এ কথাটা আমি আনন্দকাল প্রায় জারগায়ই বলি—ঢাকায়ও সে দিন বলেছি। মধ্যে মধ্যে তামাক না টেনে ছয়-সাত ঘণ্টা সুবোধ শাস্তিশিষ্ট বালকের মত বসে থাকি—ওইটে আমার পক্ষে একেবারে অসাধ্য! কাজেই মধ্যে মধ্যে সভা ত্যাগ করে উঠে যাবার অভ্যাসটি আগে থাকতেই আমাকে নিয়ে নিতে হয়।

আর একটি ভদ্রলোক পাশে ছিলেন, তিনি বলিয়া উঠিলেন, কালরাত্রে তিনটের সময়ে আপনার তামাকের টান তেনেছি!

শরৎবাবু কহিলেন, ওই অভ্যাস হয়ে গেছে। ঘুমের মধ্যেও বাগিষের কাছে নলটা না পেলে ভালো ঘুমই হয় না।

রূপকাল পরে তাঁর নিজের লেখা ও সাহিত্য সম্বন্ধে কথা উঠিল। তিনি কহিলেন, আমার লেখা ছেলেরা খুব পছন্দ করে তা' আমি জানি। বড়দের মধ্যেও অনেকে আমাকে ভালবাসেন। কিন্তু যারা গালাগালি দেন তাঁরা যে কোন

দেন তা আমি বুঝে উঠতে পারি নে। তার একটা স্বারণ আমার এই মনে হয় যে, তাঁরা অনেকেই না পড়ে আমার উপর অবিচার করেন। দুর্নীতির সমর্থন করি'বলে আমার দুর্নীতি আছে, কিন্তু কোনটা দুর্নীতি আর কোনটা সুনীতি সেইটেই এ পর্যন্ত বুঝে উঠতে পারি নি। সে-দিন একজনের সঙ্গে তর্ক হচ্ছিল। আমি বলুম, এ সম্বন্ধে ক'থানা বই আপনি পড়েছেন? আমি জিনিষটা অনেক ঘেঁটেছি, অনেক ভালো ভালো বই পড়েছি। ডাক্তার যে কথা বলেন, যেটা মারেন্সের উপর প্রতিষ্ঠিত, যা সত্য তাকে দুর্নীতি বলে' উড়িয়ে দি'লই ত আর সে উড়ে যায় না! অবশ্য এ কথা আমি বলি নে যে, যা সত্য তাই সাহিত্য হতে পারে। কিন্তু যার শক্তিকে অস্বীকার করবার উপায় নেই যা 'ইন্‌এভিটেবল্' তাকে চাপা দি'য়ে লাভ কি? কাব্য আর উপন্যাস কি এক কথা?

কিছুকাল নীরব থাকিবার পরে একজন প্রবীণ সাহিত্যিককে লক্ষ্য করিয়া কহিলেন, এই—বাবু কি আমাকে কম নিন্দা করেছেন, আমাকে পথে-ঘাটে যেখানে-সেখানে সোজা গালাগালি দি'য়েছেন? সে-দিন—বাবু তাঁকে বলেন, 'আপনি যে শরৎবাবুর উপর এত চটা, তাঁর বই হ'একটা পড়েছেন?' তিনি উত্তর দিলেন, 'পড়ব আবার কি? ও কি পড়বার যোগ্য?' তারপর 'দেনাপাওনা' ও আরো হ'একখানা কি বই পড়ে এক ভদ্রলোককে দি'য়ে আমাকে একদিন বলে' পাঠিয়েছেন, 'আমি আপনাকে নারায়ণ জ্ঞানে প্রণাম করি। উপন্যাসের মধ্যে যে এ রকম 'ডায়ালগ্' থাকতে পারে আগে আমার ধারণা ছিল না। আমি এখন থেকে ডায়ালগ্ লেখা শিখি; লিখে নিজেই পড়ি এবং নিজেই আবার 'করেষ্ঠ' করি।'

তারপর আর একজন লক্ষ্যপ্রতিষ্ঠ সাহিত্যদেবীর প্রশংসা তুলিলেন। তাঁর আন্তরিক বিবেচ যে কেমন করিয়া আস্তে আস্তে আন্তরিক প্রশংসায় পরিণত হইয়াছে সে সম্বন্ধে বিষয় প্রকাশ করিয়া কহিলেন, কিন্তু এই হৃদয়ের প্রতি আমার শ্রদ্ধা কোন দিন হারাই নি। এঁদের ব্যক্তিগত জীবন অতি পবিত্র, খাটি নিষ্ঠাবান হিন্দুর জীবন সমভাবে চিরদিন যাপন করে এসেছেন। কিন্তু যাদের চরিত্র জঘন্য, অত্যন্ত

হীন, যারা চিরদিন গঞ্জিল জীবন যাপন করে এসেছেন, তাঁরা যখন স্থনীতির দণ্ড নিয়ে আমাকে তাড়া করে আসেন আমার সত্যই ভীতি হুঃখ হয়। অবশ্য তাঁদের সম্বন্ধে এ রকম করে বলা আমার অন্তায়, কারণ এখন তাঁরা স্বর্গীয় হয়েছেন; কিন্তু সাহিত্যে আমি স্থনীতির প্রশ্রয় দিয়েছি এ কথা বার বার বলেছেন তাঁরা আমার লেখা ভালো করে না পড়ে বলেছেন সন্দেহ নেই।

জিজ্ঞাসা করিলাম, রবিবাবুর সঙ্গে আপনার দেখা হয় না?

শরৎবাবু কহিলেন, আগে মাঝে মাঝে হত, এখন আর বিশেষ হয় না। তিনি থাকেন ওইদিকে, আমি থাকি এদিকে।

কহিলাম, গালাগালি তাঁকেও ত কম সহ করতে হয় নি!

সে আর বলতে! সে বিষয়ে তাঁর তুলনায় আমি শিশু। বাংলাদেশের সাহিত্যিকদের হাতে তিনি যে লাঞ্ছনা, যে অবমাননা পেয়েছেন সে কথা স্মরণ হলে হৃদয়ে এবং লজ্জায় আমার মাথা হেঁট হয়ে যায়। আমাকে একদিন বলেছিলেন, 'নার খেলে তার আলাত কি লাগে না শরৎ? কিন্তু সহ করা ছাড়া উপায় কি?'—দেখেছি, কি কালচার, কি শিক্ষা-দীক্ষা, কি অসাধারণ সহিষ্ণুতা! কোনো দিন মুখ খুলে এতটুকু প্রতিবাদ করেন নি। ষষ্ঠতুল্য মহাপুরুষ তিনি, সোনা শাস্ত্রমুখে নীরবে সব সহ করেছেন। তাঁর মত ঐর্ষ্য কি আমার আছে? আমি এই ত তোমার কাছেই আমার নিজের কত কথা বলে ফেললাম।

—এক একবার ইচ্ছে করে, এই রকম অথবা maliciously বার তাঁকে নিন্দা করে, তাদের প্রতিবাদ করে খুব করে একবার চুটিয়ে লিখে দিই। উনি নেহাৎ ভালো মানুষ, ওঁর দ্বারা ত একাজ হবে না। আমি মুখ-মুখা পাড়াগাঁয়ের লোক, সব কথা খোলাপুলি ভাবে সোজা কাঠ-খোঁটা রকমে বোঝাতে পারব।

দেশের লোকের হাতে রবীন্দ্রনাথের লাঞ্ছনার কথা বলিতে বলিতে শরৎবাবু অত্যন্ত ব্যথিত হইয়া উঠিলেন। একটা নিগূঢ় মর্শ্ব-বেদনার ছায়া মুখের উপর ঘনাইয়া

আসিতেছিল, তাহা বাহির হইতে স্পষ্ট বোঝা যাইতেছিল। উত্তেজিত হইয়া বলিয়া উঠিলেন, অথচ বার তাঁকে অথবা নিন্দা করতেন তাঁদের জন্ত সাহিত্য-সমাজে তাঁদের সুপরিচিত করবার জন্ত তিনি কত না চেষ্টা করেছেন!—বাবু 'ঘরে-বাইরে'র সমালোচনা লিখতে গিয়ে এমন সব কথা লিখলেন, যা কোনো ভদ্রলোকের পক্ষে লেখা সম্ভব নয়! ললিত ব্যানার্জী মহাশয় রবিবাবুর উপর সুপ্রসন্ন ছিলেন না। তিনি পর্যাপ্ত সুরেশ সমাজপতিকে বলেন যে, এ-লেখা যদি আপনি 'সাহিত্য'-এ ছাপান তবে 'সাহিত্য'-এর সঙ্গে আমার আর কোনো সম্বন্ধ থাকবে না। তবু সুরেশ বাবু সেটা প্রকাশ করলেন!

আশ্চর্য্য! কেউ একটা 'কারেক্টার' সৃষ্টি করতে পারবে না?

আবার কহিতে লাগিলেন, দুর্ভাগ্য আমাদের যে, এত বড় কবিকে আমরা চিন্তে পারলুম না। পশ্চিমের লোকেরা অনুবাদের মধ্য দিয়ে কি ছাই পেয়েচে, তাঁর প্রতিভার দশ ভাগের এক ভাগেরও পরিচয় তারা পায় নি। তবু তারা যেটুকু ঠেকে বুঝেচে আমরা তাও বুঝি নি। এত বড় কবি আমাদের দেশে আর হয় নি।

মানুষের হৃদয়ের যতরকম অনুভূতি থাকতে পারে তার কি আশ্চর্য্য প্রকাশ হয়েছে তাঁর কবিতার ভেতর দিয়ে! সৌন্দর্য্যের কি একটা অবিরাম বিচিত্র জীবনব্যাপী প্রবাহ!

—এই ত ৬৫ বছর বয়স হ'ল, আমাদের কপালে আর কত দিনই বা টিকে থাকবেন? তবু ভগবানের কাছে প্রার্থনা করি,—আমাদের এই পরাধীন দেশে সাহিত্য ছাড়া গর্ব করবার আর কি আছে? আর কিছু চাই নে ওঁর কাছে, আরো কয়েকটা বছর তাঁকে বাঁচিয়ে রাখুন। যেদিন তিনি থাকবেন না, সেদিন যে আমাদের কত বড় দুর্দিন তা' ভাবতেও ভয় হয়। কতদিন যাবৎ এই মরণের অবে প্রস্তুত হয়ে আছেন। শেষ বয়সের কবিতাগুলিতে যত্নে যে কত রকম মূর্তিতে দেখতে চেষ্টা করেছেন তার ঠিক

নেই। এই কালও একটা কবিতা পড়ছিলুম, তা'তেও সেই একই কথা।

প্রসঙ্গক্রমে রবীন্দ্র-সাহিত্যের উন্নতির আধুনিক যুরোপীয় সাহিত্যের প্রভাবের কথা উঠিল। কহিলাম, আমাদের তথাকথিত সমালোচকেরা ত এ পর্য্যন্ত বলতে ছাড়েন নি, রবীন্দ্রনাথ ইংলেন্ড-ম্যাটারলিঙ্কের অনুকরণ করেচেন।

অত্যন্ত উত্তেজিত হইয়া শরৎবাবু কহিলেন, অনুকরণ?—ইংলেন্ড-ম্যাটারলিঙ্ক আমাদের 'গীতাঞ্জলি' আমাদের 'বলাকা' আমাদের 'খেয়া' 'নৈবেদ্য'র মত সম্পদ সৃষ্টি করতে পেরেচেন—তিনি যাবেন তাঁদের অনুকরণ করতে! তাঁদের একটা ভাব বা আইডিয়া'র সঙ্গে ওঁর একটা ভাব বা আইডিয়া'র মিল দেখলেই তাকে চুরি বলতে হবে? ছ'জনের মনে কি একই রকম ভাব, একই রকম চিন্তা আসতে পারে না?

কলকাল নীরব থাকিয়া পুনরায় বলিতে লাগিলেন, দেখতে পাচ্চ না, সাহিত্যের ধারাটা কেমন বদলে দিয়েচেন। আমরা একদিন বলছিলাম, 'কি বল শরৎ তুমি, আমি জানি আমার কবিতার ছ'শ পাঠকও নেই।' আমি বলুম, 'কি যে বলেন, আজকাল এমন একটা কবিতা আপনি দেখতে পান যার মধ্যে আপনার প্রভাব নেই? আমি অনুকরণ বলব না, কিন্তু কাব্যের যে ধারা বইয়ে দিয়েচেন সেই ধারা অনুসরণ করে পরবর্ত্তী সমস্ত কবিরা চলেচেন।'—আর শুধু কবিতার কথাই বলি কেন? উপন্যাসের ক্ষেত্র, ভাষায়ও কি তিনি সেই কাজ করেন নি? আজ কাল কি কেউ বঙ্কিম বাবুর ভাষায় লেখে বা সেই রকম উপন্যাস রচনা করে?

—হাওড়া কি অল্প কোথায় ঠিক মনে নেই, একটা ছোট মতন সাহিত্য সম্মিলনে আমাকে একজন জিজ্ঞেস করলেন, 'আপনি যা লেখেন তা বুঝতে আমাদের কোন কষ্ট হয় না, আর বেশ ভালোও লাগে; কিন্তু রবিবাবুর লেখা মাথা মুড়ু কিছুই বুঝতে পারি না,—কি যে তিনি লেখেন তা' তিনিই জানেন।'—ভদ্রলোকটি ভেবেছিলেন তাঁর এই কথা শুনে নিজেই অহঙ্কৃত মনে করে আমি খুব খুসি হব। আমি উত্তর দিলুম, 'রবিবাবুর লেখা তোমাদের ত

বুঝবার কথা নয়। তিনি ত তোমাদের জন্তে লেখেন না। আমার মত যারা গ্রন্থকার তাদের জন্তে রবিবাবু লেখেন, তোমার মত যারা পাঠক তাদের জন্তে আমি লিখি।'

কিছুকাল মৌন থাকিয়া কহিলেন, তাঁর কথা বলো না—তিনি আমার গুরু, আমার গুরু।

গল্প লেখার সময় সমস্ত প্রট্টা মনে মনে আগে ঠিক করিয়া লন কিনা জিজ্ঞাসা করার কহিলেন, সমস্ত আগা গোড়া মনের মধ্যে আমার ঠিক হয়ে যায়, এমন কি ভাবটা পর্য্যন্ত আগে থেকেই অনেকটা জানতে পারি।

এত সব খুঁটিনাটি 'ডিটেইলস্' কি করে, এত মনে রাখতে পারেন?

হাঁ, ওদিকে 'মেমরি' খুব 'শার্প'। তবে যে সব খুঁটি নাটির গল্পের উপর কোনো 'ডাইরেক্ট' প্রভাব নেই, বা ছ' একটা সামান্য উপমা—এ সব ত আর আগে থেকে মনে হয় না, ও লিখতে লিখতে এসে পড়ে। রবিবাবু ওরকম করেন না। তাঁর অল্প রকম 'টেম্পারামেন্ট' বলেই হোক কি যার জন্তই হোক, আগে থাকতে সমস্তটা ভেবে চিন্তে শুছিয়ে নিয়ে লিখতে পারেন না। আরম্ভ করেন, কোথায় গিয়ে যে পৌঁছুবে তা অনেক সময় নিজেই জানেন না।

—আমাকে একদিন রবিবাবু জিজ্ঞাসা করেছিলেন, 'শরৎ, শুনতে পাই তুমি নাকি গল্পের শেষ থেকে আরম্ভ করে উল্টোদিকে গোড়ায় এসে পৌঁছও।' আমি বলুম, 'তা নয়, তবে মাঝখানে পাঁচ-ছ'টা পরিচ্ছেদ ছেড়ে দিলে পরের দিকের একটা পরিচ্ছেদ অনেক সময় লিখি।—একটা চরিত্রের 'ডেভেলপমেন্ট'র জন্ত আমি খুব সতর্ক থাকি। কোনো ঘটনা চরিত্রের উপর যথাতথ্যে, কোনো ঘটনা গৌণভাবে কাজ করে, কোনোটা একটু influence করে, কোনোটা বা সামনের দিকে একটুমানুষ ঠেলা দেয় মাত্র,—এই রকম ক্রিয়া-প্রতিক্রিয়ার সংঘর্ষে যে সব সৃষ্ট চরিত্র উপরের দিকে উঠতে বা নীচের দিকে নামতে থাকে তাকেই আমি চরিত্রের ডেভেলপমেন্ট বলি।

অন্ত কোনো বই এখন হাতে আছে কি না জানিতে চাওয়া বলিলেন, না আর কিছু নেই, 'পথের দাবী'টা শেষ করেচি; শীগগীরই বেরবে। ওটা পড়েচি?

আমি বলিলাম, কবে বই হয়ে বেরবে সেই অপেক্ষায় আছি। ও রকম একটু একটু করে কৃপণের মত পড়তে পারি নে।

শরৎবাবু কহিলেন, না ওটা ত সে রকম নয়। প্রত্যেক পরিচ্ছেদ আপনাতে আপনি সম্পূর্ণ। প্লটের উপর ত আমি জোর দিই নি—কাজেই খণ্ড খণ্ড ভাবে পড়তে আটকায় না।

ভবিষ্যতে আরো বই লিখবার ইচ্ছা আছে কিনা জানিতে চাহিলাম। উত্তরে কহিলেন, আরো ছ'তিন-খানা লেখবার ইচ্ছা আছে। তারপর ভাবছি নাটক লিখব। নাটকের ধারাটার একটা পরিবর্তন করবার জন্তে মাঝে মাঝে ইচ্ছা হয়। প্ল্যানটাও মনে মনে অনেকটা ভেবে রেখেছি।

ভিজ়াসা করিলাম, আপনার প্রথম লেখা কোনটা? কহিলেন, 'বড়দিদি', 'দেবদাস'—ওইগুলো। আমি দেখেছি আমার লেখার কয়েকটা স্তর আছে। প্রথম স্তরে 'দেবদাস' 'বড়দিদি' ইত্যাদি পড়ে। দ্বিতীয় স্তরে 'পরি-

নীতা', 'রামের স্মৃতি', 'চরিত্রহীন' প্রভৃতি পড়তে পারে। তৃতীয় স্তরে 'গৃহদাহ' 'দস্তা' ইত্যাদিকে ফেলা যেতে পারে। চতুর্থ স্তরের আরম্ভ 'পথের দাবী'তে শুরু হয়েছে।

ইতিমধ্যে গাড়ীর সময় ঘনাইয়া আনিল। আমি বিনা লইতে চাহিলে বিষয় প্রকাশ করিয়া কহিলেন, সে কি, না খেয়ে যাবে কি? গেরস্তের বাড়ীতে ছপ্পর বেলা অতিথি অভ্যুক্ত গেলে কি গেরস্তের মজল হয়? তোমার বাড়ীতে অতিথি গেলে না খাইবে তাকে বিদায় দিতে পার?

আহারান্তে লাইব্রেরীর ঘরটা ঘুরিয়া বাহিরে আসিয়া দেখিলাম, খালি গায়ে মাটিতে বসিয়া কুকুরের গায়ের পোকা বাছিয়া দিতেছেন। আমাকে দেখিয়া হাসিয়া কহিলেন, কিহে, আমার গলায় তুলসীর মালা দেখে আশ্চর্য্য হয়ে গেছ? যে লোকটা এমন ছনীতিপরায়ণ লেখার সৃষ্টি করে, সে তুলসী-মালা পরবে একথা ভাবতে পার?

রৌদ্র-তপ্ত মাঠের মধ্য দিয়া যখন রেল-স্টেশনের দিকে আসিতেছিলাম তখন মনে হইতেছিল যে, পৃথিবীতে এই আন্তরিক অকৃত্রিম আতিথেয়তা কত সূছলভ, অথচ মানুষের পক্ষে ইহার প্রয়োজন কত সূগভীর।

শ্রীমত্যোক্তপ্রসাদ বসু

সুকুমার

শ্রীপ্রিয়ম্বদা দেবী

একান্তই সুকুমার শিশু ধরণীর,
আপুতার বেড়ে-ওঠা অঙ্কুরের মত;
মুখে চেয়ে মনে হত আলো আর নীর,
পায় নাই পাণ তার চেয়েছিল মত।
তাই এগো না ক'তার সরস বৌবন,
বদন্তের সমারোহে সাঙাতে উৎসব,

শাখায় পল্লবে পুষ্প সতেজ শোভন,
হুয়ে প'ড়ে গেল ভূঁয়ে না যেতে শৈশব।
বনভূমে তারি লাগি জাগিছে বেদনা,
যে অঙ্কুর করিল না কোন অঙ্কপাত,
আশার ভঙ্গুর স্বপ্ন জীবন-মাধন।
এল রাত্রি, অনাগত রহিল প্রভাত। *

* কবি এই কবিতাটী সুকুমার ভাষাটিকে মনে করিয়া লিখিয়াছেন;—সম্পাদক



উদ্বোধন

[শ্রীরবীন্দ্রনাথ ঠাকুর]

পুরাতন বৎসরের জীর্ণ ক্রান্ত রাত্রি
ওই কেটে গেল, ওরে যাত্রী !
তোমার পথের 'পরে তপ্ত রোজ এনেছে আহ্বান
রাজের ভৈরব গান ।
দূর হ'তে দূরে
বাজে পথ শীর্ণ ভীত দীর্ঘতান সুরে,
যেন পথহারা
কোন বৈরাগীর একতারা ।

ওরে যাত্রী,
দূসর পথের ধূলা সেই তোর ধাত্রী ;
চলার অঞ্চলে তোর ঘূর্ণাপাকে বক্ষেতে আবরি'
ধরার বন্ধন হ'তে নিয়ে যাক্ হরি'
দিগন্তের পারে দিগন্তরে ।
ঘরের মজল-শব্দ নহে তোর তরে,
নহেরে সঙ্ঘার দীপালোক,
নহে প্রেমদীর অশ্রু-চোখ ।